

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 248575 24 St
Zenica, 14.07.2025. godine

Općinski sud u Zenici, stečajni sudija Amela Sinanović, u stečajnom postupku u stečajnom postupku nad imovinom Društvo za proizvodnju, promet i usluge „SARAJLIĆ-PROM“ d.o.o. Žepče, Donje Ravne broj 56, Žepče, na ročištu za utvrđivanje uvjeta za otvaranje stečajnog postupka održanog u prisustvu privremenog stečajnog upravnika Perković Ante i zastupnika po zakonu Prasko Edina, direktora, dana 14.07.2025. godine, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva uplate predjuam za obezbijedenje troškova stečajnog postupka u iznosu od 3.000,00 KM, na depozitni račun ovoga suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predjuma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne uplate predjuam sud će po prijedlogu privremenog stečajnog upravnika zaključiti stečajni postupak nad Društvo za proizvodnju, promet i usluge „SARAJLIĆ-PROM“ d.o.o. Žepče, Donje Ravne broj 56, Žepče, MBS :43-01-0048-10 (stari broj : 1-8897), te naložiti brisanje ovog društva iz sudskog registra.

O b r a z l o ž e n j e

Rješenjem ovog suda broj 43 0 St 248575 24 St od 27.11.2024. godine, pokrenut je prethodni postupak radi utvrđivanja uvjeta za otvaranje stečajnog postupka nad stečajnim dužnikom Društvo za proizvodnju, promet i usluge „SARAJLIĆ-PROM“ d.o.o. Žepče, Donje Ravne broj 56, Žepče, a za privremenog stečajnog upravnika imenovan je Perković Anto iz Žepča, Ponijevo br. 30.

Na ročištu za ispitivanje uvjeta za otvaranje stečajnog postupka, privremeni stečajni upravnik je ostao kod pismenog izvještaja od 26.12.2024.g i Dopunskog izvještaja od 21.01.2025.godine, te je istakao da stečajni dužnik ne obavlja svoju djelatnost od 24.07.2024. godine. Uvidom u poslovnu dokumentaciju i finansijsko poslovanje stečajnog dužnika utvrdio je da stečajni dužnik nije u mogućnosti izmirivati svoje obaveze praktično zadnje dvije godine. Zadnji finansijski izvještaj predat je u nadležnu „FIA“ -Ispostava Zenica dana 23.07.2024. godine. Stalna sredstva, zemljište, građevinski objekti, privrednog društva jednaki su nuli, a čemu su priloženi Uvjerjenje zemljišno knjižnog ureda Žepče, Uvjerjenje službe za graditeljstvo općine Žepče. Transakcijski računi kod svih poslovnih banaka su blokirani. U Bilanci stanja na dan 23.07.2024. godine stoji da na računima društva ima 54,00 KM, Stanje obaveza iznosi 1.829.487,00 KM, od čega su : kratkoročne obaveze 1.237.492,00 KM, i dugoročne obaveze iznose 591.995,00 KM, obaveze po kreditima 591.995,00 KM, obaveze po amortizovanom trošku 845.258,00 KM, obaveze prema dobavljačima 793.014,00 KM, ostale obaveze po izdatim dužnim instrumentima 52.244,00 KM, obaveze za porez na dobit 7.2255,00 KM, kao i ostale obaveze uključujući i rezervisanje u iznosu 385.009,00 KM. Pokretna imovina društva

iznosi 82.000,00 KM, a odnosi se na transportna sredstva. U Uvjeranju MUP-a Žepče evidentirano je 20 motornih vozila koja su bila u vlasništvu društva i koja su objavljená po službenoj dužnosti u periodu od 2012. do 2024. godine. Prijedlog za otvaranje stečajnog postupka je dopušten i osnovan, a stečajni postupak nije pokrenut u roku od 60 dana od dana nastupanja platežne nesposobnosti. Platežna nesposobnost traje mnogo duže, već više od 60 dana. U pogledu sudbine vozila privremeni stečajni upravník je izjavio da su ista prema pisanoj izjavi direktora Edina Praske od 03.02.2025. godine otuđena, a u cilju utvrđivanja sudbine vozila uputio je SARAJLIĆ-PROM d.o.o. Žepče, KONER d.o.o. Žepče – knjigovodstveni servis, BS BIRO d.o.o. Zenica – knjigovodstveni servis, Kantonalni porezni ured Zenica – porezna Zenica, MUP – Žepče, Odsjek za administraciju, da se javio se Senad Bašić ispred knjigovodstvenog servisa „BS BIRO“ d.o.o. u kome ga obavijestio da se kompletna dokumentacija u posjedu firme, a ne kod njih kao knjigovodstvenog servisa.

Dana 09.06.2025. godine dobio je dopis od MUP-Zenica za „SARAJLIĆ-PROM“ d.o.o. Žepče, sa napomenom da su vozila pod zabranom otuđenja. Dalje je izjavio da je provjeravao sam dali postoji bilo kakva mogućnost da su se vozila pojavila bilo gdje i registrirala u BiH pod brojevima šasije koja imaju, i da je dobio odgovor od zaposlenika MUP-a da to nije moguće, sistem rada i djelovanja je jedinstven na cijeloj teritoriji BiH, a posebno zbog unesene napomene zabrane otuđenja. Dana 11.06.2025. godine dobio je e-mail od Nedžada Kovačevića, u dopisu stoji da su vodili društvo u periodu 2020, 2021. 2022. godinu, nakon toga su vratili svu dokumentaciju SARAJLIĆ-PROM-u. Isto tako je obavio razgovor i sa Poreznom upravom Zenica, dana 13.06.2025. godine u Zenici u vezi stanja i drugih informacija vezanih za motorna vozila. Dana 23.06.2025. godine sam dobio dopis od Porezne uprave F BiH – Kantonalni ured Zenica, broj:13-4-01-12-26-1629/24 BLJ od 13.06.2025. godine, a koji ulažem u spis suda, u kome su ga izvijestili da se zaplijenjena imovina poreznog obveznika, po zapisnicima o pljenidbi, broj i datum poznat u izvještaju, nalazi smještena na skladištu Porezne uprave F BiH Kantonalni porezni ured Zenica. Dana 01.07.2025. godine dobio je dopis od zastupnika Edina Praske da ne posjeduje dokumentaciju o vozilima, da ista je prodao na otpad, a sredstva dobivena od prodaje je utrošio u redovnom poslovanju. Predlaže da Porezna uprava nastavi sa prodajom vozila, u kojem slučaju vrijednost imovine iznosi nula, zbog čega predlaže da sud pozove povjerioce da predujme iznos od 3.000,00 KM za pokriće troškova postupka, a ako ne uplate, da sud istovremeno otvori i zaključi stečajni postupak, zbog nepostojanja stečajne mase za namirenje povjerilaca.

Zastupnik po zakonu Edin Prasko je u svojoj izjavi datoj pred sudom na okolnosti sudbine motornih vozila koji se vode u službenim evidencijama MUP-a na stečajnom dužniku, je izjavio da je naslijedio firmu, a sve je vodio njegov punac, koji je preminuo. Ne zna tačno gdje su vozila otišla, zna da ima jedno vozilo ukradeno. Sva vozila su prodana na otpad u staro željezo u period od 2005. do 2023. godine. Misli da se kao vlasnik upisao 2004. godine. Kada je dolazila kontrola od strane Porezne uprave nije mogao pronaći dokumentaciju koja se tiče prodaje vozila u otpad-staro željezo. Vozila je prodavao punac, a on je o tome saznavao na način da samo vidi da nema vozila, većinom su to bila vozila koja nisu bila u voznom stanju.

Punomoćnik Porezna uprava FBIH, Kantonalni porezni ured Zenica, je stavio primjedbe na izvještaj privremenog stečajnog upravnika, te je istakao da je prema dopisu MUP-a ZDK broj 08-01-02/8-03-7-6-831/24 od 07.05.2024. godine stavljena zabrana otuđenja, o čemu su obaviješteni od strane MUP-a aktom broj 08-01-02/8-03-7-6-965/24-FA od 27.05.2024. godine, a Kantonalni porezni ured Zenica je aktom broj 13-04-01-12-26-241/24BLJ od 21.05.2024. godine evidentirala zabranu otuđenja navedenih motornih vozila, prije pokretanja prethodnog postupka za utvrđivanja uvjeta za otvaranje stečajnog postupka Rješenjem postupajućeg suda koje je objavljeno u Službenim novinama Federacije dana 12.11.2024. godine, da je Porezna uprava zaplijenila samo pet vozila, a ostalih 15 nije jer nisu pronađena, da se svih pet zaplijenjenih vozila nalaze u skladištu kod

Kantonalnog poreznog ureda Zenica i u toku je postupak prodaja svih zaplijenjenih vozila , te da će Porezna uprava pokrenuti odgovarajuće postupke ukoliko se ista ne pronađu.

Kako iz izvještaja stečajnog upravnika, dostavljenih dokaza uz izvještaj Zapisnik o pljenidbi imovine Kantonalnog poreznog ureda Zenica br. 13-4-01-12-26-1842/23 BLJ(M.S.) od 19.08.2024.godine, broj 13-4-01-12-28-906/24-6 BLJ od 11.11.2024.godine, 13-4-01-12-26-1842/23 BLJ od 13.09.2024.godine, proističe da se pet vozila u vlasništvu stečajnog dužnika, nalaze u posjedu Porezna uprava FBIH, Kantonalni porezni ured Zenica, zaplijenjena u postupku prinudne naplate dužnih poreznih obaveza po izvršnim rješenjima o naplati porezne obaveze iz imovine poreznog obveznika, koja vrši prodaju navedenih vozila, te kako iz Izvještaja privremenog stečajnog upravnika, proizlazi da Društvo, iako postoje stečajni razlozi, nema imovine, iz koje bi se namirili troškovi stečajnog postupka, to je sud primjenom odredbe člana 102 st. 7 i 8. Zakona o stečaju („Službene novine F BiH”, broj: 53/21) pozvao povjerioci i zainteresirana lica da uplate predujam za obezbijedenje troškova stečajnog postupka. Visina troškova srazmjerno je određena troškovima stečajnog postupka koji su od strane privremenog stečajnog upravnika procijenjeni na iznos od 3.000,00 KM.

Slijedom navedenog odlučeno je kao u izreci ovog rješenja primjenom odredbe člana 196. st. 3 Zakona o stečaju, a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda.

POUKA O PRAVNOM LIJEKU:

sudija:

Protiv ovog rješenja nije
dozvoljena žalba.

Stečajni

Amela Sinanović, s.r.